

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINA FOJNICA
OPĆINSKA IZBORNA KOMISIJA

Broj: 63-2/26
Fojnica, 18.05.2026. godine

Na osnovu člana 2.13 i 3.11 Izbornog zakona BiH („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/04, 52/05, 65/05, 77/05, 11/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), a u skladu sa članom 18. Pravilnika o formi, sadržaju, upotrebi i izradi izvoda iz Centralnog biračkog spiska („Službeni glasnik BiH“, broj: 32/26) Općinska izborna komisija Fojnica je na sjednici održanoj dana 18.05.2026. godine, donijela

P L A N
izlaganja izvoda iz Privremenog biračkog spiska na uvid javnosti

I. UVODNE NAPOMENE

Planom o izlaganju izvoda iz Privremenog biračkog spiska na uvid javnosti koji je Općinska izborna komisija Fojnica sačinila shodno odredbama člana 18. Pravilnika o formi, sadržaju, upotrebi i izradi izvoda iz Centralnog biračkog spiska, precizira se:

- a) **način obavješćavanja javnosti o trajanju izlaganja ovog izvoda i mjestima na kojima će izvodi iz Centralnog biračkog spiska biti izloženi, odnosno dostupni biračima kao i**
- b) **način obavješćavanja raseljenih lica o eventualnoj promjeni biračke opcije u Centru za birački spisak.**

Centralna izborna komisija BiH sa stanjem na dan raspisivanja izbora, sačinjava u skladu sa članom 3.11 Izbornog zakona BiH izvode iz Centralnog biračkog spiska, koji se dostavljaju izbornim komisijama i centrima za birački spisak i koji se izlažu na uvid javnosti u periodu od 120. do 90. dana prije dana održavanja izbora, a u svrhu izrade konačnih izvoda iz Centralnog biračkog spiska.

Izvod se izrađuje na obrascu izvoda iz Centralnog biračkog spiska za redovne birače, u elektronskoj verziji, po osnovnim izbornim jedinicama i biračkim mjestima sa prethodnih izbora i ne sadrži podatke o jedinstvenom matičnom broju i adresi birača.

II. NAČIN OBAVJEŠTAVANJA JAVNOSTI O TRAJANJU IZLAGANJA OVOG IZVODA I MJESTU NA KOJEM ĆE IZVODI IZ CENTRALNOG BIRAČKOG SPISKA BITI IZLOŽENI

Općinska izborna komisija Fojnica će u skladu sa članom 17. stav 2. Pravilnika o formi, sadržaju, upotrebi i izradi izvoda iz Centralnog biračkog spiska izložiti izvode iz privremenog Centralnog biračkog spiska i na taj način osigurati pristup svim biračima da mogu provjeriti, izvršiti ispravku ili dopunu svojih podataka kod nadležnog organa i opredijeliti se za biračku opciju (općina, odnosno mjesto glasanja i način glasanja-lično ili u odsustvu).

Izlaganje izvoda iz privremenog Centralnog biračkog spiska za Opće izbore 2026. godine će se vršiti u periodu od 06.06. do 06.07.2026. godine, na pogodnim mjestima po mjesnim zajednicama općine Fojnica, a uvid u isti će također biti omogućen radnim danom i u Centru za birački spisak, koji je smješten u zgradi Općine Fojnica, u vremenskom periodu od 07:30 do 15:30 sati, a isti će u elektronskoj verziji biti dostupan i na portalu Općine Fojnica.

Općinska izborna komisija Fojnica planira izvode iz privremenog Centralnog biračkog spiska (CBS) izložiti na sljedeći način:

- **MZ FOJNICA (biračka mjesta: 114A001, 114A002, 114A003, 114A004, 114A013, 114A014, 114A015, 114A018)** – za sva glasačka mjesta na području gradske zone (Lokalitet samostana 1 i 2 – O.Š. „Muhsin Rizvić“; Centar 1 i 2 – O.Š. „Muhsin Rizvić“; Gornja čaršija 1 i 2 – „1001 noć“; Novo naselje 1 i 2 – Srednja škola „Zijah Dizdarević“), izvodi iz privremenog biračkog spiska će biti izloženi na vanjskim portalima zgrade Općine Fojnica;
- **MZ PROKOS (biračka mjesta: 114A005, 114A016)** – izvod iz privremenog biračkog spiska bit će izložen na oglasnim tablama Općine Fojnica na Tovarištu.
- **MZ PRIDOLA (biračko mjesto: 114A006)** – izvod iz privremenog biračkog spiska bit će izložen na dva mjesta i to u Podrizvićima na džamiji i u Živčićima na portalima mjesne škole.
- **MZ OSTRUŽNICA (biračka mjesta: 114A007, 114A017)** – izvodi iz privremenog biračkog spiska bit će izloženi na oglasnoj tabli Općine koja se nalazi na lokalnom putu – na skretanju koje vodi za naselje Grabovik
- **MZ ŠĆITOVO (biračko mjesto: 114A008)** – izvodi iz privremenog biračkog spiska bit će izložen na oglasnoj tabli Općine Fojnica u Šćitovu na autobuskom stajalištu.
- **MZ GOJEVIĆI (biračko mjesto: 114A009)** – izvodi iz privremenog biračkog spiska bit će izložen na oglasnoj tabli Općine u školskom dvorištu O.Š. „Ivan Goran Kovačić“ u Gojevićima;
- **MZ DUSINA (biračko mjesto: 114A010)** – izvodi iz privremenog biračkog spiska bit će izložen na oglasnoj tabli Općine u Dusini na autobuskom stajalištu.
- **MZ BAKOVIĆI (biračko mjesto: 114A011)** – izvodi iz privremenog biračkog spiska bit će izložen na oglasnoj tabli Općine na skretanju za RC Brusnica.
- **MZ PLOČARI POLJE (biračko mjesto: 114A012)** – izvodi iz privremenog biračkog spiska bit će izložen na oglasnoj tabli Općine na Plandištu.

Općinska izborna komisija će u skladu sa članom 17. stav 3. Pravilnika o formi, sadržaju, upotrebi i izradi izvoda iz Centralnog biračkog spiska obavijestiti birače da se izvod iz privremenog CBS-a nalazi u Centru za birački spisak, mjesnim zajednicama i drugim pogodnim mjestima utvrđenim planom izlaganja Privremenog biračkog spiska. Ukoliko Općinska izborna komisija ne bude u mogućnosti izložiti izvod iz privremenog Centralnog biračkog spiska na način kako je to naprijed navedeno na pojedinim biračkim mjestima, zbog ne nalaženja adekvatnog prostora za izlaganje, ista se obavezuje blagovremeno upoznati birače o načinu i mjestu uvida i provjere svojih podataka.

III. NAČIN OBAVJEŠTAVANJA RASELJENIH LICA O EVENTUALNOJ PROVJERI BIRAČKE OPCIJE U CENTRU ZA BIRAČKI SPISAK

Raseljena lica, koja imaju biračko pravo, obavijestit će se putem oglasne table ispred zgrade Općine Fojnica i općinskog portala www.fojnica.ba, da se izvod iz privremenog Centralnog biračkog spiska nalazi u Centru za birački spisak, kako bi mogli provjeriti i izvršiti eventualnu ispravku ili dopunu svojih podataka kod nadležnog organa i opredijeliti se za biračku opciju (općina, odnosno mjesto glasanja i način glasanja – lično ili u odsustvu).

Navedena lica, će se također upoznati da zahtjev za određivanje ili eventualnu promjenu biračke opcije, podnose lično na PBO-1 obrascu, najkasnije 75 dana prije dana održavanja izbora, dakle do 21.07.2026. godine do 24:00 sata, Centralnoj izbornoj komisiji BiH putem Centra za birački spisak, u općini u kojoj imaju prijavljeno prebivalište ili boravište raseljenog lica u skladu sa zakonom, odnosno prema evidenciji nadležnog organa, uz obavezu prilaganja kopije jednog od važećih identifikacionih dokumenta, odnosno važeće lične isprave sa fotografijom iz člana 5.12 stav 4. Izbornog zakona BiH (lična karta, vozačka dozvola, pasoš).

IV. ZAVRŠNE ODREDBE

Općinska izborna komisija Fojnica će izlaganjem izvoda iz Privremenog biračkog spiska na naprijed navedeni način i naprijed navedenom vremenskom periodu osigurati mogućnost svim biračima da mogu provjeriti, izvršiti ispravku ili dopunu svojih podataka kod nadležnog organa i opredijeliti se za eventualnu biračku opciju.

Dostaviti:

- Centralna izborna komisija BiH,
- Centar za birački spisak,
- Oglasna ploča općine Fojnica,
- www.fojnica.ba,
- A/a.



**OPĆINSKA IZBORNA KOMISIJA
PREDSJEDNICA**

Amra Kućuk, dipl pravnik